

صوت البارود

صوت البارود انطلق
ولا مدفع الافطار
والدم ساح للركب
بايد عدو جبان
يمكن نكون السبب
بنبيع من الاوطان
ده سوريا فيها العجب
يزلزل الاوتار
واللحن اصبح شجن
نسمعه ليل ونهار
ياميت خساره ياوطن
بيحكموك اقدار
دستور بيتغير
والعيشه ضنك ونار
ومقضيها سلف
وعيش بياكله فار

ملعون ابوك ياوطن
لو يمحوا فيك قران
رب العباد انزله
دستور على البتار
اللى يخلق البشر
منزوعه م الاوصال
يمكن اكون بحلم
او حتى كله هذار
انى اشوف حاكم
ميكنشى مره حمار
يسب يوم دينكم
ويدنس الاوطان
وماشوفشى مره فقير
والبسمه تملئ الدار
شوف اللى مات يا جدع
ساجد ف بيت الله
القلب مات م الخلع

والصوره راسمه مرار
وع الكفن مكتوب
شهيد من الابرار
احنا اللي كنا السبب
ده جد مش بهزار
علشان نسينا ف يوم
دستورنا القران
لجل النبي فوقوا
ماكفايه بقى اعدار
دى تربيه متر ف متر
ابداء بالاستغفار
وادعى ومن قلبك
الرحمه م الغفار
صوت البارود